

石田先生文集

六



石田先生文集卷第六

制誥

遣奉使巡行詔

朕祇承洪業夙夕惟寅凡所以圖治者悉遵祖宗成憲曩者屢詔中外百司宣布德澤蠲賦省刑賑恤貧乏思與黎元共享有生之樂尚慮有司未體朕意庶政或闕惠澤未洽承宣者失於撫治司憲者怠於糾察俾吾民重困朕甚憫焉今遣奉使宣撫分行諸道案問官吏不法詢民疾苦審理冤滯凡可以興利除害速宜舉行有罪者四品以上停職申請五品以下者就便處次其有政績尤異暨晦跡於丘園才堪輔治者具姓名聞咨爾臣庶體於至懷

追封河南王夫人制

古者婦人之義名字不出閨門迺所以別男女巖内外也故河南行中書省左丞相卜鄰吉台妻胡氏徽柔惠湫蚤嬪高門相其夫子顯聞於時予方推恩四海矧我股肱之舊而有尔伉儷之良乎故追封爾為王夫人仍啓河南故圻以從封夫爵噫婦官一品瑜翟有光其尚陰隲爾

家服我寵休之無替

思州軍民宣撫使田冕冕忽兒不花封  
贈二代制

國家外建藩屏以靖遠人責其宣布懷仁之惠  
能使恩威並流而一方清謐者稽于國典可不  
賞勞乎具官某父某官某向膺朝寵勤庸服官  
戮力小心不聞有過乃教忠於嗣子得寵慶於  
世家茲朕所不忘者也故命追褒異數階秩一  
品有靈在幽尚迪爾後

比屬有司考禮于卹典矣而婦人之貴嘗視其

卷六

二

夫子焉况有鵲巢汝墳之懿能行於其閨門社  
席之間者乎具官某母某氏女儀柔婉來嬪辨  
族相其宗事珩璜有節又能篤生令子服柔疆  
場撫綏之勞湯沐衍封胙以列國其尚歆承休  
寵利爾後昆以延饋祀之無已哉

朕以孝治天下凡人臣之親悉命曰其班列之  
次切庸之等以為寵數之異焉具官祖父某官  
某昔備官使輯綏邊氓頗著惠懷有譽南服夫  
天之施仁於物無間朕敢不法天而已哉宥密  
之司階品為貴啓爾後人保茲終吉

先王制禮婦人之義飲食衣服祭祀而已非有與於外事也然或婦道母德可以表率宗族而成其夫子者顧宜有以顯貴之也具官祖母某氏早躬組紉克遵女戒作配令族柔閑有儀惟時聞孫扞我邊圉膺被爵祿光寵于時而爾可不疏封鄉國以廣彤管之訓乎贊書在門其告泉壤

太師右丞相封贈三代制

定策元臣肇啓中興之運推恩彝典聿申先正之褒揆禮是宜勸善惟允具官某質實無競沉

卷六

三

鷲有謀服勞王家久著屬橐之績薄違圻父夙專乘一作秉障之切嘉爾曾孫為予冢宰於戲溧陽開國儀崇斧鉞之光冊府書勲銘載旂常之顯英靈如在寵數是歆

曾孫有慶衍三世之恩榮大賚匪私勸百辟之忠蓋有嘉淋女作配先臣具官某妻某孝養姑嫜教遵姆傅居謹珩璜之節躬親絲枲之勤宜厥家人相其宗事魚軒翟茀往膺江左之封鳳誥龍章用播台南之德歆予時命迪爾後昆開國承家禮重胙勲之典析圭儋爵恩先予善

之仁報施匪私褒崇惟稱具官某英標倣倘偉  
器沉深蚤奮厲於師中爰馳驅於戎右股肱心  
膺桓桓挺萬夫之雄弓矢干戈井井飭九伐之  
法世稱良將胄衍名孫定大策於樞機奠皇圖  
於寰宇於戲石城鍾阜肇開赤壤之封礪山帶  
河允著丹書之誓賁爾寃歆我絲綸

朕茂膺景運大賚元勳恩推再世之封禮及重  
闡之慶具官某妻柔嘉維則婉孌有容事夫盡  
舉按之恭職脩中饋弄孫致含飴之樂福裕後  
昆凡我邦國之光繫爾室家之助鳳臺胙土聿

開脂澤之田鸞誥封泥永賁泉扃之兆尚歆寵  
數益衍休祥

朕以崇德報切實先王之令典建邦啓土昭奕  
世之殊勲賸我舊臣錫茲勅命具官某魁竒天  
挺卓犖人雄韜略邃於孫吳志勇邁乎賁育昔  
武皇撫軍於龍漠躬櫛風沐雨之勞而大將出  
陣於魚麗懋掃穴犁庭之績威行萬里恩浹六  
師訖振旅以褫戈底來賓而包匭每御衣裳之  
會聿深鍾鼓之思生子象賢由教忠而上義為  
國敵愾遂翊運以中興永惟闕閱之隆端繫社

襁之重不有異數曷稱至懷於戲旅矢彤弓嘗  
旌勤於征伐丹書鐵契尚迪慶於承傳淮甸分  
茅泉臺告第

朕眷元臣之勲幼被慈母之訓屬有司之考禮  
宜大國之疏封具官某妻某毓秀名門作配君  
子珩璜琚瑀脩婉婉於婦容溫藻蘋蘩致齊莊  
於宗事篤生令器實贊丕謨底海寓之謚寧承  
邦家之休慶綠綈方底鸞翔芝檢之書霞帔襲  
衣雉纈茀車之采江都錫壤泉室增華

太保左丞相封贈三代制

卷六

五

匡時靖難資大策於元臣崇德報功覃湛恩於  
累葉奉常議禮息壤定封具官某故曾祖父服  
勤侍衛秉信功臣太傅銀青榮祿大夫上柱國  
梁國公謚敬簡探馬哈兒秉質無華詒謀有永  
蚤備鈎陳之列式昭析木之祥衍善慶於曾孫  
篤忠貞於熙代使宅百揆光於前聞於戲開國  
浚郊具儀文於鈇鉞承家新鄭紹世美於衣冠  
錄我絲綸告爾窀穸可追封陽翟王

朕論功定賞念扞衛之多艱推慶行封俾覃延  
於三世懿彼靜女配予先臣具官某故曾祖母

梁國夫人忽都真蚤飭壺儀克承宗事不假詩  
書圖史之戒素閑織紉組紃之切迪美萃於曾  
孫發祥殷於令族新廟奕奕斷松柏於析津原  
曰每每畫封圻於梁土龍章有赫象服來歆可  
追封陽翟王夫人

朕獎元勲恩推舊德濟其世美詔厥孫謀屬大  
業之中興賴名藩之外援追封奕業寔著彝章  
具官某故祖父守忠翊正効節宣力切臣太師  
金紫光祿大夫上柱國梁國公謚莊順稱海質  
稟淳厯躬行愷悌橐鞬宿衛久服勞於王家弓

卷六

六

治承傳遂開先於相闕方乾坤之清謚俾綸綍  
之渙頒用禮勸忠書切旌善於戲伊洛瀍澗樂  
哉魂魄之遊山川土田衍爾蒸嘗之奉昭茲來  
裔祐我不基可追封河南王

命婦朝后彤管著於女箴令妻相夫鞶絲陳於  
內則亶惟泚德嬪于名門具官某故祖母梁國  
夫人忽刺真毓質柔嘉修容婉婉久襲祥於世  
業當擢秀於孫枝為國懷材贊予茂烈雲翔鸞  
誥俾澤漏於泉臺颺轉魚軒想神遊於梁苑尚  
貽多祐福爾後人可追封河南王夫人



惟王建國必崇德以報功自天降康廼生賢而  
靖難茲眷元臣之懿宜推先正之褒具官某故  
父懷忠濟美積德崇慶功臣太師開府儀同三  
司上柱國特進河南王謚忠懿謹只兕蘊善弗  
彰紹謀斯永為郎執戟夙多宣力之勤有子克  
家益勵教忠之訓定中興之大策立不世之殊  
勲匪佞王封曷稱朕意於戲河山帶礪式箴盟  
府之書乾坤珎符期篤熙朝之祐格思英爽歆  
此寵光可追封鄭王

朕惟元臣克相中興之業母有令子宜膺崇秩  
之封稽諸尋章廣我孝治具官某故母河南王  
夫人燕赤吉納夙閑姆訓綽著婦功奉筵宮於  
蒸嘗節珎璜於夙夜內政素勤於在饋慈訓尤  
切於斷機德啓閨門光資邦國倬茲鄭圃乘翟  
箒以來遊嘉彼召南賦鵲巢以行化俾頌綸誥  
用賁泉扃可追封鄭王夫人

平章也速迭兒封贈三代制

夫用之紓者積必厚行之徐者力弗殆斯道之  
常匪曰責報也平章也速迭兒曾祖父贈定威  
佐運功臣榮祿大夫司徒柱國追封曹國公謚

忠定撥擻出於華族夙奮材武從我  
太祖皇帝親屬橐鞬崛起戎列威行方國戰功  
良多及定隴陝斬將搴旗臨敵致死大節赫然  
傳不云乎活千人者有後茲爾數世之遠傳家  
孫曾愈碩大光顯又得議封于禮官博士非用  
兵有活人之德而然乎命頒異數開國曹南中  
土奧壤襲慶濟美可示為將者之勸可贈定威  
佐運功臣光祿大夫司徒上柱國追封曹南王  
謚忠定

古外命婦朝后是則婦官尚矣平章也速迭兒

曾祖母追封曹國夫人塔拜劬勞慈育生子克  
家戰勝攻取丕佐興運議禮制度于爾有封從  
夫之爵曹國小君象服翟裼歆茲追寵可追封  
曹南王夫人

朕稽古為治立國以禮故臨御四海永慕祖宗  
創業之艱難美其興運佐命之臣厚厥世賞以  
訓臣隣矧其胤裔又有能全其終始者乎平章  
也速迭兒祖父贈宣忠靖遠功臣光祿大夫中  
書右丞相柱國追封曹國公謚桓毅也柳干登  
備宿衛公從賢王前驅先登戡定河外俾金為

墟而宗社遂以屋者蓋爾戰多之力焉異姓封  
王於爾為寵矣英爽不亡尚保爾世哉可追贈  
宣忠靖遠佐運功臣金紫光祿大夫中書右丞  
相上柱國追封曹南王謚桓毅  
夫恩禮覃於百官則先近臣漏澤施於九原則  
觀來者平章也速迭兒祖母追封曹國夫人滅  
列蚤嬪高門無違宮事克相君子為王虎臣又  
有聞孫贊予景運俾有司議封乃追命爾為王  
夫人以曹南之田為脂澤之賦尚歆寵渥益衍  
廟食可追贈曹南王夫人

先王有崇德報功之制豈曰觀美蓋以旌善而  
勸忠也平章也速迭兒父光祿大夫中書左丞  
相先贈協謀定遠佐理功臣太師開府儀同三  
司上柱國曹國公謚武宣阿剌罕生長富貴宴  
安而無子弟之習勝衣荷戈奮身前驅維時  
世廟觀兵江澣貔虎百萬之衆謀臣如雲乃能  
立功名於其間北征叛王轉戰千里南殄奔君  
樹旗海嶼勲勞顯著寵賚便蕃我國家於君臣  
之道可謂至矣朕不聞鼓鼙猶思將帥况爾有  
後為予蓋臣中興之初率兩河將士勦力介冑

之間大臣以聞乃隆推恩之禮上及於爾三世  
馬曹南之郊桑穀沃壤開國稱王人臣極位爾  
克有靈歆我綸命可贈推誠宣力定遠佐運功  
臣太師開府儀同三司上柱國追封曹南王謚  
忠宣

我家經營南國之初尚賴膂力之士材武之臣  
克成大業勲勞之蹟皆已銘於太常矣又且尊  
顯其身以至於室家之有慶者茲非典禮之懿  
乎平章也速迭兒母曹國夫人脫端泚慎端惠  
夙配君子尊召南之化而象服是稱施益母之

教而訓忠有言卓茲令器為朕虎臣臨御之際  
褒錫宜先開國曹南以銜脂澤之賦煒其榮哉  
賁爾窀穸可追封曹南王夫人

君子不昵於宴安之私以能成其功名者亦嘗  
資於內助焉平章也速迭兒母曹國夫人闊闊  
倫幽閑端懿雞鳴而起相其宗事婦德有稱沒  
從夫爵落封曹土魚軒象服裕爾後昆可追封  
曹南王夫人

太傅禿魯封謚制

帝垣台位象已著於上玄太傅師臣官尤崇於

常秩有懷舊德追錫真王大傅禿魯蚤陟華階  
懋修素履小心翼翼文昭持橐之班終日乾乾  
勞著屬橐之績宗親入覲儉相是資耐金不罰  
於諸侯英蕩悉同於元會樞機宥府奠軍國於  
乂寧鼎鼐台司贊陰陽於化育踐敷禁近閱歷  
歲年持風紀於臺端肅官箴於朝暮天不慙遺  
朕用盡傷思答茂勲爰申卹典於戲昨爾茅土  
俾開國於廣陽播予絲綸尚流澤於幽壤諒茲  
靈爽服此寵章可贈懷忠秉義昭宣弼亮功臣  
太師開府儀同三因上柱國追封廣陽王謚清  
獻

男位正家恒有資於內助女師結悅庸作配於  
上公獎我奮勲迨于佳儷太傅禿魯妻畏吾氏  
幽閑毓德婉孌賦姿象服是宜奉蘋蘩於祭祀  
彤管有煒謹珩璫於箴規懋著婦功克相宮事  
痛所天之先殞誨厥嗣以益嚴石窀啓封賜廣  
陽之大國容臺議禮贊召南之夫人享爾高年  
欽此異數可封廣陽王太夫人

右丞按灘封謚制

朕以崇德報功之制聖王建國之皇圖論名立

謚之稱昭代褒賢之鉅典用光綏寵俾洽臣隣  
右丞按灘少稟粹姿蚤登膺仕周廬呈列入陳  
扈蹕之勞專駟颯馳來上屯田之奏恩威襲蠻  
夷於冠帶忠孝擴詩禮於箕裘錫類著乎家邦  
浚明勤乎夙夜貂蟬七葉飾躬不瀆於華鮮孤  
矢四方迪德彌彰於懿美篤生令器丕佐明時  
聿彈嘉猷晉參大政橫經內殿矢茲密勿之言  
熙載外朝體朕都俞之意有司考禮於汝推恩  
爰頒渙號之辭式副象榮之志於戲丞相一品  
英靈尚克以歆承泰階六符善慶益延於似續

錄諸告第欽我贊書可贈秉義效忠著節佐治  
功臣太保開府儀同三司上柱國追封特進趙  
國公中書左丞相謚貞孝

周南正始教化被于閨門趙國疏封寵榮光于  
泉壤爰稽彝典用獎有官右丞按灘妻唐吾氏  
毓質柔嘉修儀婉婉來嬪閔閔蚤乘翟茀之車  
克相夫君益著鵲巢之德篤生令器裛作名臣  
服慈訓之不忘迪嘉謀之入告推恩追錫體人  
子報本之心考禮飾終示我朝廣孝之治尚昭  
懿範歆此告詞可封趙國夫人

尚書左丞相某封謚制

朕纂承天序入正大統思予皇考繼志述事眷  
惟至大之間更張庶政務適人宜褒贈以勸百  
官鼓鑄以利兆姓時弗僉諧事或中輟與言退  
悼斯念舊臣故尚書省丞相某早列環衛給事  
禁闥外諸台席浚明夙夜佐予皇考一德一心  
顧遇寵賚廷臣莫及予方以孝治天下躬裸武  
廟如見羹墻况予先臣有子在列茲命禮官公  
議于朝謂爾宜封郢城王位貴專楚都旌旗斧  
鉞開國西南精忠不昧尚從先皇於遐狩哉可

贈竭忠宣力守義佐治功臣太傅開府儀同三  
司上柱國郢城王謚榮敏

表牋

賀元旦表

皇極建中貴嘉生於世運乾元資始衍嗣歲於人時叶氣開先純陽肇德欽惟

道全居正功洽躰仁坐宣室以受釐百神奉職御明堂而布政萬國咸寧勾陳環列于端門庭寶駢羅於文陛臣某等塵聯烏府迄邁鷓行進封事於銀臺慙稽衮補紀卜年於宝曆欣對嵩呼

正旦賀興聖宮表

卷六

帝應開天祥發貞元之會母儀法地源疏河海之涵百物順嘉四時叶序欽惟

陰功庀世懿德承乾肇聖緒于姜嫄弥虔祖武形徽音于太姒益衍孫謀茂綏獻歲之祥膺保履端之吉臣某等遭逢世泰綴列朝行官略中臺王朔願敷于錫福慶隆長信民功仰荷於資

賀正旦箋

夏正授時民功于肇始皇儲非器履帝武於開元慶集三朝福覃萬姓恭惟



秉文純粹叶德光華青煒迎陽爰啓前星之重  
黃離繼照式昭太極之尊宅元祀以承天布王  
春而獻歲臣某等叨塵官序忝列諫垣齒胄虞  
庠茂對奎明于午御賡歌魯頌仰觀日麗于寅  
賓

賀建儲表

伏以天潢毓德聿開聖嗣之隆廟祏承祧爰啓  
儲闈之慶祥臻泰道福集昌朝欽惟

迪德堯仁躬親舜孝日麗乎天而明兩益紹重  
華帝出乎震而洊雷弥嚴繼躰乃眷元良之懿

卷六

五

式膺監撫之崇巨等備位烏臺趨朝雞曙前星  
奏瑞載瞻青輅之旂太極含元第衍黃圖之籍

賀春宮箋

甲觀儲祥肇泰始含章之慶春宮正位受少陽  
體德之尊神器有歸宗祧是賴恭惟

生知忠孝夙稟溫文躬問侍之勤德已昭於帝  
胄膺監撫之重道允叶於皇猷承華克紹於丕  
基建本方隆於大寶臣某等忝居侍從喜際文  
明鶴禁景遲願早親於四學雲門樂奏期介祉  
於三宮

賀建儲表

聖嫡承桃大慶方延於國祚神孫主器鳴休實  
登於天源龜筮叶從臣鄰効順欽惟  
慈仁坤育靜德乾儀益恢皇極之尊繩其祖武  
俾正少陽之位貽厥孫謀建儲允屬於元良繼  
躰式昭於岐嶷臣某等叨塵憲府欣遇熙朝瞻  
鶴駕於春宮三靈奉貽陪鷓行於長信萬福時  
臻

監脩國史賀正表

瑤圖撫運紹開致福之祥寶曆乘時肇序體元  
之始大鈞播物泝氣迎和欽惟

卷六

七

道洽古今性資文武潛心帝王之學聖敬日躋  
合德天地之仁皇猷允塞歲事啓成於農扈治  
功端本於王正臣某等辱備台司監綜史氏觴  
稱萬歲樂快覩於龍光書載三墳期永垂於狐  
筆

監脩國史賀正表

天明即命紹開帝應之隆王朔躰元序正人時  
之始大鈞埜圮和氣冲融欽惟  
叶德重華備道全美御端門而肆赦萬寓熙春

坐宣室以受釐五辰順軌方九賓之在列萃諸  
福以來臻臣某忝列師垣兼塵史觀猷尊奉勸  
庸申効於嵩呼鴻筆紀謨願同符於洛書

賀建儲表

禮謹承祧首正元良之位德符主器丕昭大統  
之歸宗社乂安臣隣慶抃中賀道侔乾始祥叢  
震亨受命建中邦家之基鞏固始謀思永著龜  
之吉叶從重暉煥於前星鏤冊光于上嗣監撫  
有托似續無疆臣等獲覩青宮幸趨絳闕聖神  
永錫頌壽考之萬年忠孝弘彰衍本文之百世

卷六

三

賀建儲箋

德配前星肇正青宮之位禮嚴吉日丕昭寶冊  
之尊任重承祧戢勤問寢中賀溫恭夙著英叡  
日新受震建中式際上元之運明離繼照永開  
太平之基啓鶴禁以肅清奉龜圖以祇敬國本  
斯立宗支以昌某等戢厠虞庠班聯魏闕終始  
于學願廣績熙之功追琢其章庸贊泰和之治

賀立后建儲表

冊建中宮體黃裳之居正祧承長器仰蒼震之  
儲祥國本以寧壺儀攸叙中叙聖資神武玄德

欽明美教化厚人倫允叶相成之義奉宗廟承  
祭祀丕昭繼照之明慶洽三宮懽騰八表臣某  
賤塵仙館班筵帝廷運值上元盛典並行於吉  
日天開泰定顯謨已著於初年

青詞祝文

壽寧宮設醮青詞

伏以道妙無言神功不宰既仰成於乾造寔默  
相於皇家祇即琳宮肅延羽服誦瓊文之累笈  
格絳景之叢霄伏願有感必通俾昌而熾五風  
十雨爰祈玉燭之調億載萬年益衍瑤圖之永

祭星祝文

太歲  
迎神

白虎  
送神

病符

喪門

於穆元造孕靈載物神御所棲曰歲斯福順成  
導祀脩我性玉叶德坤儀受天百祿  
神輿載靈司彼金方宣義揚威以戒時康后儀

象坤靜德是將以籲以祈神其降祥  
運化流行元氣大和輟輟上下或爽以疾薦茲  
明誠儀物孔多期底善寧如山如河  
雖靈在幽轉茲歲君或侈陰威疵癘我人啓迪  
佳美惠布善仁鑒茲蠲潔以求報祀  
明明在上不顯六臨牲幣孔碩聿將厥心神之  
格思有肅其歆  
我俎既馨我祝維脩辰舍順軌神旗妥游相我  
坤寧叶于皇猷

石田先生文集卷第六

石田先生文集卷第七

章疏

請慎簡官寮疏

伏觀延祐三年十二月十九日

皇太子正位春宮百司上箋稱賀禮畢欽惟  
列聖繼統治功大洽文恬武熙百年于茲矣  
聖天子高覽古今軍國之幾蚤建天下之本日  
月之明無以比德

皇太子殿下溫文仁孝天賦美資急宜招延天  
下碩德雅望文采博通之士朝夕起居以待左

卷七

右輔養懿美薰陶冲和三代紹述厥要惟茲傳  
云成王始為太子也太公為師周公為傅召公  
為保伯禽唐叔與遊目不閱淫豔耳不聞優笑  
居不近庸邪及為君也血氣既定游習既成雖  
有放心不能奪已成之性今

皇太子殿下春秋鼎盛神明日彊道德之言禮  
樂之事當豫講而速親其方不過求賢而已伏  
乞今後議行建立官寮之時公集大臣覈求名  
實相副端能調護羽翼

儲闡之才以係四海之望所謂下官臣僕亦宜

精擇而不可雜以商賈冗瑣之流天下休戚之源實在於此卑職草萊賤士誤被拔擢敢不盡言少紓重責

### 建白一十五事

竊惟古者建立言事之官非徒擿拾百官短長照刷諸司文案蓋亦拾遺補闕振舉綱維上有關於社稷下有係乎民人禮文風俗治體所存名爵謚贈政理斯在教化有方則善惡自別設施有法則緩急自明重穀則農自勤定制則官自守脩武則先恤兵嚴試則可勸吏事欲究其本末言似涉於繁蕪統論難悉條析易陳所有建白事一十五件逐一開具如左合行具呈憲臺照詳伏請聞奏施行

一夫惟天子者上承天地下紹祖宗社稷是寄黎庶是戴崇高尊大無與比隆奉養當極其精美保愛當極其嚴密大而一飲一食小而一嘖一笑若調攝玉體凝順中和則清明在躬淑善咸應欽覩

皇上仁心如堯儉德如禹伏願重以承天地祖宗之鴻業於進御之間當以玉食宜乎榮

衛者為先至於酒醴固是穀麥所釀然更乞於進御之際命近侍臣隣思一獻百拜之義則天下生靈不勝幸甚

一郊祀者國之大禮在古所隆欽惟

聖上仁慈孝敬度越百王伏願今後郊祀之日大駕親有事於南郊親裸于太室則天地荅貺神明降禧薄海內外咸仰

聖德太平之福羣生幸甚

一大內正衙古之帝王朝百官之地今

大明殿是也觀闕盤鬱城雉繚環

卷七

三

祖宗之所御黎庶之所瞻今

聖上謙德弥恭尚居

東宮之舊竊慮民物觀聽有所未喻伏願賜御大明正衙鎮服華夏統體天地何以言之譬日月星辰順居次舍則萬物被光羣生仰明也

一百官朝見奏事古有朝儀今國家有天下百年典章文物悉宜粲然光于前代况欽遇聖上文明之主和科舉取士吏負降等之類屢復古制惟朝儀之典不講而行使後世無



所鑑觀則於國家太平禮樂之盛實為闕遺  
且夫羣臣奏對之際御史執簡史官執筆縉  
紳佩玉儼然左右則雖有懷姦利乞官賞者  
亦不敢公出諸口如蒙聞奏命中書省會集  
文翰衙門官覓究講參酌古今之宜或三日  
二日一常朝則治道昭明生民之福也  
一古之為治蓋有禮樂非徒事刑法之末也  
夫有道之世措置施設悉存禮樂之義欽惟  
聖上君德昭然孝慈純備嚮居

潛邸招致天下儒學之臣延納海內知名之  
士禮樂文物洽乎

聖性故踐位以來進儒術而抑吏道却珍禽  
而絕遊畋清心寡欲民物豐阜其用儒之效  
固已驗矣獨未聞今

皇儲左右天下儒學之臣有幾海內知名之  
士有幾也伏願憲臺聞奏乞賜依准治古之  
法命朝臣集議典制請行

皇太子視學齒胄之禮明示天下教化之本  
雖道德之躬仁孝溫文固已篤至然聞見習  
熟又在薰陶此實係國家萬世之福卑職先

上章疏特請選擇師傅左右之人至今未蒙  
施行然區區之情實念及此不勝切至之甚  
一中書省樞密院御史臺三府掾史雖職掌  
文書亦日佐大臣決理政務伏請聞奏設立  
律學算學博士命隨朝二品三品正流衙門  
吏人欲求轉補三府掾史者就其所業於律  
學算學博士之前應試依科舉差監察御史  
監試吏禮部官知舉每一周歲試舉一次則  
三府有得人之實下無躁進營求之私試中  
之人不必限以出身之高下不中者黜下本  
賢無方公道不偏

役考滿不得過從七品仍預照會施行則立  
一諸道宣慰司除吐蕃南詔兩廣福建外如  
淮東浙東荆南山東四道並為無用徒月費  
俸廩坐養官吏而已如依准前代之制就令  
一道重鎮路分總管達魯花赤帶受本道宣  
慰使等職名鈐轄數路上不煩朝廷虛設職  
官人吏下不使數路官府牽制煩複無益於  
事

一諸翼軍官自萬戶下至百戶子弟承襲父

兄之職者合參酌古今之宜設立武舉並須習學兵法武藝如蒙古色目人只試以武藝如願試兵法中者陞階漢人兼試兵法武藝中式者方許承襲如布衣之士願試及中者於各翼或不叙或戶絕等歇空相應名闕內擢用如此庶使武備不弛軍政稍嚴保大定功之事為體不輕必若今日難於更張則四方宣力老将既已病死承襲驕脆子弟但知酒色裘馬為華好一旦真欲冒矢石執干戈以犯勦敵不惟本人自取肝腦塗地從軍將

吏死復何辜卑職歷觀前古之迹其禍患弊病未有不生於太平之世竊慮及此伏乞施行

一司徒司空皆古三公之流人臣名爵無極此位比者

聖上踐祚之初沙汰冗濫尤慎此官近歲屢有雜人等如沈宗攝汪元昌輩亦受司空司徒切慮天下後世傳為口實非便

一親民之官守令為急然守令者緣係朝廷遷除之人才或不良心亦知懼而行省所差

府州司縣提控案牘都吏目典史之徒徃徃  
恃其名役之細微縱其姦猾舞文弄法操制  
官長傾詐庶民盖此徒出自貼書小吏數十  
年間轉充是役卑職頃居田畝嘗聞此等言  
曰我等身無品級子無蔭叙原此初心謂之  
無賴而令竊弄府州司縣之權利刻單弱以  
肥其孥良可憫歎如蒙聞奏命中書省除各  
路存留流官經歷知事照磨外其餘革去請  
參酌古制令各州判官僉書州事各縣主簿  
勾稽本縣文簿實為官制不紊體統稍均人

既有名事自不苟為係於民不細伏乞施行  
一命將守邊國之司命然御將之方當盡其  
道毫銖一失利害懸絕要先知其艱難勞苦  
之情平居使之順其逸樂略其深文密法而  
不責其小廉曲謹然後効死也易是為御將  
之道夫將不可不擇也擇而用之勿疑不疑  
則專專則重重則可倚倚之而不効則名而  
殺之無輕名之理今近歲連名北邊大將似  
涉輕易古語云臨敵易將非榮也竊慮及此  
伏乞聞奏施行

一漢軍征戍嶺海之南歲病而死者十率七八其所屬軍官利在危殆之際必用資財擬指軍人北方本家所有孳畜田產厚息借貸准折還納終致破產不敢有詞夫以世襲軍官蠶食部下行伍深可哀痛今後如蒙將在嶺海及漳汀等數處征戍軍人果有病患除官為看醫外其貧苦闕用之人比及取發封裝以來宜令本處有司約量借放封裝到日撥除還官並不收息或應借貸而不借貸不應借貸而借貸者從本道廉訪司體察究治

如此庶不致中原軍戶日蹙軍官日富

一侍衛親軍根本所係宜令各衛指揮使立時教閱練習武藝膂力訓養精銳則萬一應卒得用仍除鎮衛守把外不令與官負作工盖造役使勞苦幸甚

一太常定諡古今美制欲使姦人知懼於死後善人有勸於生前近歲諡號之稱不公殊甚如今後太常定諡不公宜令監察御史糾彈庶使輿情稍伸國典不曠

一農穀天下之本也四民則以農為次百貨

則以穀為首操帛布之重輕關生民之休戚者穀為急焉而近年工商淫侈游手衆多驅墾畝之業就市井之末蓋為政者失勸農之道焉今後乞將各路府州縣達魯花赤專管諸軍奧魯總管知府知州縣尹專勸農事事既歸一功仍可就更講究重穀勸農之方畫一開坐行下有司遵守如民有馬牛驢畜迹相食踐田苗并此彼爭告田土疆界不實等罪名及民間婚姻債負拖欠金銀資財許得以穀贖罪准折輕賞之類果有力田之人縣州勸農官等就於見在錢糧內撥賞束帛豚酒然後開申不實者許廉訪司體察如此旌異慰勞行之數年必有成效

請量移流罪

禮樂刑政治國之具有一不修則弛法度欽惟國朝有天下以來不嗜殺人仁覆生齒涵濡煦育洽然大和而於用刑尤切慎重然伏見近年頒降德音中間屢無量移流徙之文竊慮聖人愛物之仁推恩未悉有傷至化夫大辟死罪或被赦原釋然歸保妻子而減死流罪竟無

寬宥不得生還里閭此豈法之平允哉乞今後  
如有例合長流罪惡別請定擬長流條例其不  
應長流者亦請驗情輕重度地善惡每遇恩澤  
輒行量移如蒙檢舉典故施行則天下生靈幸  
甚

辨王左丞等

竊聞傳云王臣蹇二匪躬之故國家實賴焉夫  
便佞辨給徒利一己視國與民漠然如無情者  
國家何補哉伏見中書左丞王伯弘前中書平  
章政事拜住曩在政府常以直言正色力持公

卷一

平與權臣帖木迭兒抗論可否若此二人其於  
國家緩急之際剛毅不屈信可倚仗宜從憲臺  
聞奏將二人擢實機要不令外補實社稷之計  
彈大都路總管范完澤

伏惟京尹之職民實具瞻漢唐以來尤慎茲選  
至如我朝掄才審官嘗難其人不以輕授初如  
嚴游張郭近如姚翼二王等俱負才幹悉有名  
稱緣飾文雅練達事務中外厭服士論羨之苟  
非其人曷以尸職今某非儒非吏素無寸長才  
名不著於當時祿位苟同於先輩復若近日私

家被盜一事自至所屬兵馬司公解迫勒訊問賊徒侵官失體廢法任情即此而觀他可槩見理宜奏代別選才能相應

彈中書叅議李羅等官

近為太師右丞相帖木迭兒濫用人負窒塞常選已嘗論列今察知中書叅議李羅劉吉等四人俱係帖木迭兒腹心之人依憑請託假借權勢李羅乃前尚書省得罪之人劉吉乃宣政院起身之冗吏左司都事馮翼霄在宣政院僥倖驟進右司都事劉允忠乃胥吏微品朦朧奏准

卷七

二

起復喪次以圖躁進如此四人列居顯要替畫政事豈惟玷辱名爵實廢清議宜從憲臺奏罷論執弓矢禁例

近承奉照會該欽奉奏准禁約漢人百人以上執弓箭打圍處重刑百人以下流遠方微及一兔之獲罪名有差竊謂作法有名垂訓無弊且今日見行條例已有禁漢人弓矢之科又有禁諸人聚眾之制若復以上項打圍處重刑等例錯綜而網羅之誠恐愚氓舉之陷罪難避易犯實為可憐而朝廷受禁人捕獸兔之名尤為非



美宜從合干部分檢舉禁籞圃地舊規遵守施行不勝幸甚

### 論秦州成紀縣等處山移事

伏見議遣大臣馳駟陝西賑恤災異祈謝岳鎮卑職叨冒言路敢有愚昧謹用敷請夫山移大變實惟天譴是為不動之物而動大臣以下各宜辭避官位推讓賢能畏懼脩省表奏待罪庶乎對越上帝而為國縣延丕基非但遣使祈謝賑恤一方一隅而可弭災也竊又聞之應天以實不以文昔師曠對晉平公石言之語載在方

冊世世為監今山移之譴理無虛示豈非在野有當用不用之賢在官有當言不言之佞所以感召不動之物而動毒延庶民甚可哀痛且端本首善在乎幾微萬物咸遂百職共宜然後高下奠位山川宅寧伏乞憲臺早為敷奏任用賢才相應

### 論百官請賞

比見隨朝見任請俸官負不思廉慎奉揚迺職或求婦嫁女或市宅營私徃二交為懇奏財物私相賣息實蠹公帑夫寵賞賜賚下及臣庶國

之所以鼓舞激厲天下之具而為人臣者蒙受  
恩澤之時又當戒盈畏溢固讓力辭必不允請  
然後敢受豈容敢瀆褻天聽乞請財物者哉况  
見任官負自有俸給祿廩之厚品職封蔭之榮  
至如一錢一米擬合為官惜費而乃上虛府庫  
自肥其家其於忠孝廉恥胥失之矣今後如蒙  
憲臺明白聞奏禁約見任請俸官負不得交相  
懇奏財物仍令監察御史糾彈庶幾賞及有功  
貧人知懼卑職愚誠不避謗怨惟圖報稱少裨

治明

論加恩典

故中大夫浙東宣慰使陳祐執德不回夷險一  
致始由才選擢任專城敷歷清資榮居方面當  
其蹈節而遇害豈知徇祿以偷生况忠讜之言  
素著于時而患難之際益明其志可謂不辱其  
身者矣稽諸卹典爰有加封施及舊臣庶乎無  
紀切聞禮及賢臣國無不治之政恩推耆舊士  
有先死之心故蔡國公張柔拔起編伍歸身我  
朝探甲荷戈開拓土宇卒為名將有稱于時偉  
績碩功載在史冊如吐史忠武公例進封為王

可為無慊前翰林學士承旨劉敏中文采振發  
學淳行美精力未衰歛身求退高蹈之節近世  
所無理宜半俸養老於家激厲廉恥有開治化

舉翰林待制袁桷等

上件官學問究極乎羣經文章繁著乎當世脩  
國史則足以宣揚聖業代王言則足以潤色皇  
猷久次翰林屬官誠為淹抑翰林脩撰陳觀性  
稟端方操履嚴慎使之居糾察之地必能振舉  
職業不苟於事前國子司業吳澄知經博古學  
術淳深求之海內可謂名儒如蒙擢置兩院以

備訪問相應

彈右丞相帖木迭兒

伏見中書右丞相帖木迭兒貪縱不正擅弄威  
福國之姦邪民之毒蠹已嘗上章論列今復體  
察到不公不法等事一十一件

云云當時如蒙  
不曾存案

憲臺早為聞奏追問則天下生靈不勝幸甚

進千秋記略劄子二

伏以賓贊之官專以輔導為職輔導之方又以  
毓德為急古先聖王嘉言善行日陳於前所以  
薰陶漸染養成至性者實在乎此卑職忝居是

任惟懼弗稱今纂集先代儲貳故實及為臣子之道逐一繕寫成書名曰千秋記略謹用黃綾裝背隨咨前去早為擇日一同進呈乞依准經筵例進講施行

當職近纂集到千秋記略一書用黃綾裝背已嘗隨咨教去貴院乞擇日進講去訖至今四月未蒙施行又照得詹事賓贊等官俱以輔導為職理宜叶恭調護事大體重責望非輕除外更乞早為擇日進講施行須至咨呈者



Faint vertical text in the background, likely bleed-through from the reverse side of the page.



